



2020 – 21: Manitowoc Public School District

LEADING WITH LEARNING

INSPIRING EDUCATION. EMPOWERING COMMUNITY. UNLEASHING POTENTIAL.

BLENDED LEARNING YUAV ZOO LICAS RAU KUV TUS TUBNTXHAIS KAWM?

Yuav nrhiav lub sijhawm kawmntawv tim ntsej tim muag nrog xibfwb kom haum txhua leej lub sijhawm ntawm ib tsevneeg.

COV MUAJ 4 XYOO KAWM KINDERGARTEN

Kawm (2) Nrab-hnub M/W los T/TH hauv tsev kawmntawv, lwm lub sijhawm kawm hauv tsev (tsis kawm hnub Friday)

AM/PM caijnyoog: 8:00-11:30 and 12:30-4:00

Cov kawm 4K lub caij kawmntawv tiag tiag mas yog kawm plaub ib nrab-hnub tauj ib asthiv rau yav sawvntxov los yav tavsus (AM-cov nyob sab qaum teb, PM cov nyob sab qab teb) xwb es tsis kawm hnub Friday. Yog kem kom sawvdaws muaj chaw mas yuav tsum txo kom ib hoob tsuas muaj 7 txog 13 leeg nkaus xwb, cov menyuam kawm 4K yuav tuaj kawmntawv **ob hnub tauj ib asthiv thaum yav sawvntxov (AM) los rau yav tavsus (PM) rau hnub Monday/Wednesday los Tuesday/Thursday.** Ob hnub no lawv yuav xyaum lus Askiv, lej thiab kev coj thaum nrog lwm tus. Feem ntau cov tubntxhais kawm yuav nrog ob tus laus (tus xibfwb thiab tus pab nws); cov menyuam yuav nyob hauv ib lub chav xwb. Yuav muaj sijhawm mus uasi nrau zoov yog askaj zoo, yuav muaj caij rau lawv so thiab. Xibfwb mam npaj chaw rau cov tubntxhais cia lawv cov khoom sab nraum lub chav.

Ob hnub ntawm uas tsis tuaj rau tim tsev kawmntawv, cov tubntxhais yuav kawmntawv hauv tsev. Lawv yuav tau siv computer mus ntsib xibfwb hauv Class Dojo mus kawm ntxiv txog cov hawjlwm uas xibfwb tau qhia hauv chav kawm. Cov xibfwb qhia nyeem ntawv thiab cov xibfwb qhia lwmyam tshwjxeeb mam npaj kev kawm rau cov menyuam. Hnub Friday yog tseg rau cov xibfwb los sablaj thiab npaj, tsis tas li nws yuav tu lub chav kawm.

COV TUBNTXHAIS KAWM ELEMENTARY (QIB K5-5)

Kawm (4) Nrab-hnub M/T/W/TH tim tsev kawmntawv, lwm lub sijhawm kawm tim tsev (hnub Friday tsis kawmntawv)

AM/PM caijnyoog: 8:00-11:30 thiab 12:30-4:00

Cov kawm Elementary lub caij kawmntawv tiag tiag mas yog kawm 5 hnub nkaus tauj ib asthiv. Yog yuav kem kom sawvdaws muaj chaw mas yuav tsum txo ib hoob tsuas muaj lajvaj li 7 txog 13 leeg nkaus xwb, lawv yuav tuaj kawm **plaub ib-nrab hnub thaum sawvntxov los tavsus xwb hnub Monday txog Thursday.** Lub sijhawm kawm tim tsev kawmntawv cov menyuam yuav kawm lus Askiv, Lej, kos duab, suab paj nruag, yeebyam xyaum tes taw, nrog ib tus laus tawm tswymim thiab siv lub chav qev ntawv nyeem raws li muaj

hauv lawv daim caijnyoog. Cov xibfwb qhia nyeem ntawv, EL, Kawmntawv Tshwjxeeb thiab lwm hoob tshwjxeeb yuav npaj pab txhawb cov menyuam uas xaiv kawm hauv qhov blended learning model.

Cov tubntxhais kawm yuav nrog ob tus mus rau plaub tus laus (xibfwb, neeg khiav dejnum hauv chav tuav ntaubntawv thiab lwm tus raws kev xav tau). Cov tubntxhais yuav nyob hauv lawv lub chav nkaus, tsuas pub tawm lub caij uasi thiab thaum mus rau hoob ua yeebyam xwb. Lub caij uasi thiab hoob ua yeebyam yuav mus rau nraumzoov, yog askaj zoo thiab lawv yuav muaj sijhawm so thiab. Cov xibfwb mam npaj chaw sab nraum ntawm lub chav rau cov menyuam cia/xauv lawv cov khoom. Cov kawm yav sawvntxov yuav noj tshais hauv chav kawm es mam nqa su coj mus noj tim tsev; cov tuaj kawm thaum tavs uav noj su hauv chav kawm es mam nqa tshais mus noj tim tsev.

Lub caij uas uas thaum cov tubntxhais nyob hauv tsev thiab rau hnuv Friday, lawv muaj caij siv Google Classroom mus tshawb online txog kev nyeem thiab sau ntawv, lej, social studies thiab science. Ua cov haujlwm yuav pab cov tubntxhais xyaum thiab pab lawv tshawb txog tej yam lawv nyiam tiamsis cov xibfwb yuav tsis muab qhabnees rau cov no.

Hnuv Friday yuav tseg rau cov xibfwb sablaj thiab npaj, thiab cov tu vaj tu tsev yuav siv zos tu lub tsev kawmntawv kom zoo.

COV TUBNTXHAIKAWM MIDDLE SCHOOL (QIB 6-8)

Kawm (1) hnuv nkaus tim tsev kawmntawv, lwm lub sijhawm kawm tim tsev (Faib cov tubntxhais ua peb pab - Tues, Wed, Thurs)

Kawm ib hnuv nkaus - caijnyoog: 7:45-3:00

Cov tubntxhais kawm Middle School tiag tiag mas kawm tsib hnuv tauj ib asthiv. Txo ib hoob rau 10 txog 12 tus tubntxhais kawm xwb. Cov kawm Middle School yuav kawm **ib hnuv nkaus tau jib asthiv: ib feem peb ntawm cov tubntxhais yuav kawm hnuv Tuesday, ib feem ntxiv rau hnuv Wednesday thiab ib pab ntxiv rau hnuv Thursday.** Thaum tuaj kawm tim ntsej tim muag lawv yuav kawm cov hoob tseemceeb, kawm txog kev sib raug zoo-kev xam, kev coj thiab kev txhawb zejzoz. Cov xibfwb qhia nyeem ntawv, EL, Kawmntawv Tshwjxeeb thiab lwm hoob tshwjxeeb yuav npaj pab txhawb cov menyuam raws li lawv kev xav tau. Cov kawm qib 7 thiab 8 xaiv tau peb hoob ntxiv rau lawv kawm. Cov kawm qib 6 xaiv tau ob hoob ntxiv.

Yog cia ib feem peb tuaj rau hauv tsev kawmntawv xwb nws yuav muaj chaw rau cov tubntxhais kawm kem lawv tus kheej es pab lawv sib cais yoojyim dua.

Yuav muab cov tubntxhais siv cais cia nrog lawv cov xibfwb uas qhia cov hoob tseemceeb. Tomqab xibfwb qhia ntawv tas lawm, nws yuav hloov mus qhia rau lwm hoob. Cov tubntxhais yuav noj tshais thiab/los su hauv chav kawm thiab yuav muaj caij mus nraumzoov thaum txog caij uasi. Thaum nyob rau lub caij kawm cov hoob tseemceeb, cov tubntxhais yuav so tau txog peb zaug. Cov tubntxhais yuav tsum ntim lawv cov khoom rau hauv lub hnuv aub es cia hauv chav kawm.

COV TUBNTXHAIKAWM HIGH SCHOOL (QIB 9-12)

Kawm (2) lb nrab-hnub tim tsev kawmntawv, lwm lub sijhawm kawm tim tsev

AM/PM caij nyoog: Tsis tau paub

Cov tubntxhais kawm High School tiag tiag mas kawm tsib hnub tauj ib asthiv. Txo ib hoob rau lajvaj li 10 txog 12 tus tubntxhais kawm xwb (pub muaj txog 375 tus tubntxhais kawm hauv tsev kawmntawv), cov kawm High School yuav tuaj kawm **ob ib nrab-hnub tauj ib asthiv, hnub kawm yuav paub sai tom ntej no.** Txawv li lwm qib, cov tubntxhais kawm tim High School cov xibfwb yuav qhuab qhia thaum lawv kawm tim tsev nkaus xwb – lub sijhawm mus rau tim tsev kawmntawv yog sijhawm rov tiv tauj lwm tus, nrhiav kev pabcuam, tsim kho, thiab npaj ntaubntawv mus kawm qib siab los npaj nrhiav haujlwm ua.

Cov tubntxhais kawm yuav muab faib raws qib lawv kawm nrog rau plaub tus xibfwb. Cov xibfwb thiab cov kws txuj yuav sib hloov mus los pab sawvdaws. Cov tubntxhais yuav hloov mus los vim cov hoob lawv xaiv kawm; cov hoob no lawv tseem niaj hnub xaiv. Cov tubntxhais yuav noj tshais thiab/los noj su hauv chav kawm thiab muaj sijhawm so.

Nyob rau hnub uas lawv tsis tuaj tij ntsej tim muag nrog tus xibfwb, lawv yuav siv Google Classroom kawmntawv tim tsev thiab txais kev pabcaum ntawm lawv tus xibfwb. Cov xibfwb los yuav sablaj thiab npaj thiab cov tu vaj tus tsev los yuav txhuam thiab tu tsev kawmntawv kom zoo.